

吾
汶
藁



第四部叢刊三編

吾汶藁

(81348)

中華民國二十五年六月初版

每部四冊定價國幣壹元捌角

外埠酌加運費匯費

發行人

王

上

海

雲

河

南

五

路

印刷所

商

上

務

海

印

河

書

南

館

路

發行所

商

上

務

海

印

及

書

各

館

埠

吾汶藁卷之九

題疏

王宗約干作屋



平生慕陳仲舉一室茫然他日求杜
少陵萬間安在此曠世之所通患豈
晚節而可迂疏惟安成之文獻不乏
人而瀘溪之節義著於史儒有宗約
公之嫡孫皇皇乎往教之勤忽忽乎

吾家之念謂堂構弗克奉其先志可
宗廟無以示其後人牛山之木瓊林
蟻封之地金埒每謂束手於是贈言
蓋困厄通有無者守道之權而假託
事俯仰者習俗之壞既處約而安素
分必棲隱而非吾廬此不痛心焉用
取友且所至高弟篤青青悠悠之義
其可使吾師賦脩脩翹翹之詩不吝

周旋當有興起儻得輞川之勝地願
共知已者遊既還河汾之先廬當有
濟世者出

新甘香出
其味已香
我知數百
今又未盡
當在
固欲言其
與味對
對開出
又觀此
固

爲前朝貢士朱則陽干買棺

朱君則陽年踰七衰時制茫

然生死相處情當有憫

種東風門櫓而爲櫬計已失於初年指

牛山木可以棺事難期於他日波引

囊而定一者曠於禮而荷鍾自隨者

儉於情爲此惘然傷哉貧也睠言古

道猶憐天寶遺民之漸稀豈有仁人

不念咸淳貢士之垂盡矧歷歷交遊
之舊重悠悠休戚之同信不棄其平
生乃可謂之知己不慙誤活生前但
遇桓荅州倘得全歸身後無煩劉長
史爲善最樂圖報安能

未嘗聞
爲前贈貢士未暇謝于買計

爲族長順軒于族人整屋買壽

木

杜陵庇天下之寒、用情迂遠、鄒湛瘞
瓦中之骨、談夢誰何、念此同宗、遺吾
一老、得年七十、悵時制之無從、有屋
數間、歷年深而欲壓、傷哉貧也、念此
惘然、既生無以庇其子孫、而死亦必
累於宗族、略推感激、卽慰淒涼、使數

世之敝廬晚無所患且八尺之遺體
終有所歸圖報安能爲善最樂

木

爲於天地神于於人登至買壽

安成南王荆山通濟橋化修

茲橋前朝王荆山劉永州所
建岸移橋壞三址僅存涉漲
履冰過者良苦欲謀興復敢
告有緣

王荆隔衣帶水題橋記五馬之歸砥
柱成灑潏堆遺址幸三犀之在物不
盡化時有當興此四方通達之途在

萬國朝覲之內省符憲轡之晝夜商
車宦轍之歲年每兼程而患遲乃臨
流而莫渡今欲買田協衆力以謀其
復先須築菴延上納以司其圖如畫
江山聞風豪傑長鯨鐵索翻江面如
行天上之玉京野店山橋送馬蹄不
是人間之略符綽川靈有相聖壽無疆

東界渡化修菴屋

造舟爲梁東界渡已成平陸買田築
室西方教可託千年蓋既絕而不絕
者惟空門爲然而補敝不待敝者必
專職是務至於氣數之感召每觀基
業之何如故瞻橋瞻菴瞻長年千畝
地但覺其不足居佛居僧居過客百
間屋未見其有餘顧我江湖豈無豪

傑或倡義割膏腴之壤或聞風捐土
木之資言報若欺爲善最樂秋霖夏
潦歸關鍵未無人涉印否之憂晨鐘
暮鼓羅幡幢長頌海晏河清之盛

重修

北真觀渡化修橋菴

北真故宇有胡忠簡所記碑南面長
江是徐神翁飛渡處未能紹真風以
度衆厄何忍見病涉之當吾門雖造
舟爲梁已可十年之計必買田築室
乃爲千載之謀主之者以指天自誓
爲心予之者以濟物利人爲念或募
義割膏腴之壤或聞風捐土木之資

言報若欺爲善最樂坐閱瓊田三萬
頃風定垂虹之波何須簫月念四橋
天近昇仙之桂江山偉觀鐘鼓清時